

B. N. C.
FIRENZE
1021
17



XXXVI
SEA


1021.17

FRA TRIS A DEO
DATI SENENSIS
PRO REFORMANDIS, IN-
staurandis, restituendis & conseruandis Cœ
nobijs Augultinensibus Prouinciæ Baua-
riæ Oratio Viennæ habita die xxx.
Octobris. ad Ferdinandum
Romanorum, Vngarię
Bohemię &c. Regē
Gloriosissi-
mum.



M. D. LV.







VVM TOTIVS AV-

gustinenſis familiæ Magiſter,
ac generalis Prior, Sacra Ca-
tholica, & Regia Maietas, per-
penderet, & videret Cœnobia
ſua in tuis fœliciſſimis Regnis, & Prouincijs
quondam pietate, Religione, Sanctitate om-
niq; virtutum, & doctrinarum genere floren-
tiſſima. Nunc autem iniquorum hominum
cauſa, in quibus refrixit charitas, & præualuit
Lutheraniſmi impietas, deformata eſſe, col-
lapſa, imminuta, ac propemodum extincta,
non potuit non ingenti mœrore affici, dolo-
re; non modico angere, & diſcruciari. Atq;
pro eis reparandis, inſtaurandis reforman-
dis, confirmandis, & conſeruandis non ve-
hementer curare, & ſolicitari. Ad hoc verò
commode conſiciendum, nihil oportuni-
us, certius, & ſecurius illi in mentem venit, quàm
ſi ad tuam Regiam Maietatem & literas da-
ret, ſimul atq; ſui ordinis vnum ex Italiæ pa-
tribus, & Magiſtris ad eam mitteret. Qui-
bus Auguſtinenſem Remp. precibus, & mo-
dis omnibus tibi Regi inuiſſimo commē-
daret. Tibi inquàm Regi ſecundum Cor
Dei, atq; in Religione Chriſti conſtantiſſi-
mo. Vt qui gloriſſimos Reges illos Da-
uidem, & filium eius Salomonem imitatus;

A ij

honor

honor Dei, Religio, Tempa, & quæ ad Deū
& Dei cultum attinent, semper primatum in
oculis tuis habuerunt. Nec vllis vnquam pe-
percisti consilijs, monitis, iussis, edictis pub-
licis, Laboribus, sumptibus, difficultatibus
te Rege fortissimo, ac iustissimo dignis, mo-
dò fœda illa Lutherana lues prorsus depel-
leretur, atq; extruderetur, Regnum verò Dei
& iustitia eius, hoc est, Religio nostra Sancta,
Catholica & Apostolica, qua nihil in terris est
præclarior, nihil sanctius, nihil firmitus solici-
te custodiretur, diligenter cōseruaretur, eiusq;
sacrosancta iura retineretur, suoq; in ordine,
& loco starent, & essent, Ita etiam Augustinē-
sis ordo in Ecclesia Dei non inutile, non su-
per vacaneum, non infimum, sed vtile, ne-
cessarium, ac præcipuum membrum, perte-
d. Rex Clementissime reuiuiscat, refloreat,
atq; repolleat nimirum in sanctitate, & iusti-
tia coram Deo. Quod ipsum tota Augusti-
nensis domus hodieme cum ante tuos Re-
giæ Maiestatis pedes prouoluta, præcibus,
ac modis omnibus supplex petit, orat, obse-
crat, & obtestatur. Meminerisq; precamur
fœlicis memoriæ Cæsaris Caroli huius no-
minis quarti, sub quo Inclytum tuum Bohe-
miæ Regnum auro, argento, frugibus, con-
cordia, viribus, potentia veraq; Religione
Catholica.

Canonica (quod caput est) floruit, atq; præpolluit, eo quod ad ordinem Alphabeti Divinus ille viginti quatuor extruxerit Ecclesias, atq; Monasteria. Tu igitur ò Rex omnium pientissime D:ui Augustini in tuis potentissimis Regnis iam collapsas ædes, longe illis pauciores, tua pietate Regia refice; erige, repara, atq; instaura. Memineris etiam & tuorū Romanorum, quorum tu merito, & lure optimo Augustissimus es Rex. Apud quos teste plutarcho maius momentum in Religionis obseruantia fuit, quàm in vincendis hostibus. Nec ferendam esse Ciuitatem ullam putauerunt, quæ Religionem, & rem diuinam negligeret. Memineris etiam, atq; etiam laudabile illud, pium, strennum, vere Regium ac per omnia Catholicum factum fœlicissimæ illius recordationis, nempe Cæsaris Maximiliani aui tui, Iustitia, pietate, bello, & armis clarissimi, Qui cum post obitum Mathiæ Regis, qui & ipse etiam totus Religioni deditus fuit, Iustum collegisset exercitum, & iam in Vngaria. Albam, quam Regalem vocant, vi, atq; virtute occupasset, videretq; in suomilite verum fieri, quod poceta cecinit, nimirum nulla fides, pietasq; viris, qui Castra sequuntur. Hiabant enim thesaurum, atq; alias opes templi, & præsertim illas, vbi Regum:

ungariæ sepulchra sunt, non modo violare,
sed & rapere. Quod cum imminere vidisset
gloriosissimus Imperator mox, atq; repente
proprio ense, & mucrone extenso stetit ante
templum, prohibuitq; milites, ne sacrilegium
perpetrarent. Tu itaq; ò Rex omnium Reli-
giosissime non dissimili exemplo tanti Cæsa-
ris atq; aui tui pietatem, ac Religionē sequu-
tus, ædes, Cœnobia, Monasteria, Loca, diui-
ni Cultus nimirum officinæ, ac pauperum
quædam Cellaria, à Diuo Augustino Sanctæ
Matris Ecclesiæ doctore præcipuo pie iustu-
ta. Atq; à pientissimis, & Religiosissimis Re-
gibus, qui præceserunt, fundata, regalibusq;
munificentijs dotata, aucta, & æpliata, Deoq;
& sanctis suis dicata, & consecrata. Nunc
verò prohdolor ab impijs, sacrilegis, & hære-
ticis hominibus, vel diruta, vel excisa, vel euer-
sa, vel combusta, Et quæ vix pauca restarunt
integra, rapta, atq; direpta, suis bonis, ac pro-
uentibus compilata, priuata, & spoliata, Illo-
rum sacra vasa, & ornamenta sacerdotalia de-
prædata, prophanata, ac prostituta, suisq; etiã
legitimis possessoribus, nempe sancti Augusti-
ni fratribus, & Monachis, quorum precibus
die noctuq; Altissimus precabatur, vt tua
Maiestas Catholica cum sua prole Regia diu
fœlix viueret, ac prosperis successibus, victo-
rijq;

rijſq; contra Turchas regnaret, exhausta, de-
 ferta, & deſtituta, tuo monitu hodie, tuo iuſ-
 ſu, tuo edicto Regio, cœu enſe, & mucrone
 extenſo, vt re ædificentur, reparentur, inſtau-
 rentur, reformentur, confirmentur, & conſer-
 uentur. Nobisq; fratribus, veris ſancti Augu-
 ſtini filijs, & heredibus reddatur, & reſtituantur,
 curare nō dedigneris. Quod cū tua ſacra Ma-
 ieſtas, pro ſua in Deum, & ſanctos eius pietate
 regia, vt ſperamus, effecerit, Regnumq; Dei
 & Iuſtitiam eius primum queſierit, Deum ip-
 ſum certe promerebitur, à quo reliqua omnia
 illi, & ſuis chariſſimis filijs, regnis, atq; pro-
 uincijs neceſſaria, cumulatiſſime adijcientur,
 qui etiam ſuo ipſius ore dixit quicunq; hono-
 rificauerit me, glorificabo eum, Qui verò cō-
 temnunt me, erunt ignobiles. Nos autem
 Auguſtinenſes omnes tuæ Regiæ Maieſtatis
 fideles ſerui, in tot tantiſq; regnis tuis, & pro-
 uincijs modò puſillus grex, ab ea nō deficie-
 mus vnquàm, ſed confitebimur illi, Et in
 generatione, & generationē annūci-
 abimus Laudem ſuam.

Dixi.



MC

